

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦新式各機器以待與各官商刊印書籍單件並有英國各體活字及各式花邊等延有西人操印工藝甚精所有中西文字均能刊印並有石版印字大小機器均用精工

叻報

本館設在荷蘭街第廿五號門牌

印工總給給延有文士寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實里而後敢登但來稿登與不登均不能將原稿收回也 本館謹白

凡刊報者每月報價一元每日每張五仙 (大英一千八百八十七年十月七日禮拜五) 凡刊報者每月報價一元每日每張五仙

本館佈啟 ○啟者本館所刊來札須要書明姓字而後敢登業已九明報首上層乃 諸君近日所寄到來函囑登本報多有諱其姓名彼詩文等類以筆墨為消遣者猶有可原乃有涉及時事者亦自諱其名似此照例實不敢為之登報茲特再為詳告嗣後 諸君有來札囑登本報者務宜明示姓名始取錄之列報或有不欲沽名特為諱去者當可另用外號以登報紙而所投本館之信亦須寫明名姓似此方合體裁若但用外號是為匿名實有礙難登報也茲特佈告 閱者諒焉 本館謹啟

論有過切勿憚聞

人非聖賢孰能無過過而能改自可漸底於純然而改過非難知過為難蓋人之愆尤每中於所忽偶不及檢即悔吝因之苟習以為常則終身難改與不改由於知與不知故禹拜昌言子路人告以有過則喜誠恐不知誤犯則一誤再誤或無已時得人而提撕之則有所警而知悔自怨自艾即選善之階前者之非改而為後來之是若過而自掩諱莫如深好人譽己所長惡人揭己之短則其惡日積而後戾愈深是為文過之小人必不長進然則過也者莫妙於事後即知從而勉戒即精神慮慮尚有未周無自知之明則借助於友友不及察則借鑒於旁人之口以為一己之評如譽我者多自問於心果能勝其譽與否若無端推許則是出於不虞必反躬力行以期於無玷如有因而至實至者名自臨則思所以葆譽之由莫便盛名難副如毀我者眾亦自問於心莫謂眾口悠悠無關榮辱毀之而得其當則改行以止之毀之而近於誣則加勉執持以息其謗所謂揚湯止沸不如去火抽薪處世良謨莫過於此可知過之潛滋暗長者由於不自知其過並畏人知其過怒人揚其過以至於斯也雖然已而有過固不患人知而知之者亦不可遍揚其短隱惡揚善為君子之所立信如斯也則知人之過坐視不言於已則為君子矣而於有過者不幾使之長為怙過之小人乎哉以君子自居而以小人待他屬似為忠厚實則不情夫所謂隱人之惡者因其事已往補救無從而其禍亦止於此不復延蔓於將來即揭而出之仍屬無益祇揭其人之醜故隱而不言耳若夫其端已開其禍未艾不鑒前車之覆則循轍者必相繼而傾既害於本人復波及於庶眾則將直揭其醜大聲疾呼口若可道則將借能墜天花之舌而廣為播揚筆若能書則將借能愈頭痛之文而力為傳布此非諛諂也又非傾軋也又非攻訐也蓋一片婆心為本人醒迷並為受其害者棒喝一舉而得兩善又何憚受好說人非之咎而汚己救人事有似屬輕薄而實則厚道者此類是也若鄙而不言任其以無過自稱妄自尊大則斯人縱不足惜而於羣生何哉務其大則略其小仁人之存心固如是者然而此特為告過者盡其道耳至於聞過者之視為是思是怨則不暇再思焉蓋彼以為恩也則由是改作由誤而幾於無瑕如磨石焉愈磨而愈滑如刻鏡焉愈刮而愈光其功德聲名俱歸於彼也而於告之者何有哉彼以為怨也則自護其非終身不悟人之受其禍其報復祇聚於一身新鬼故鬼之冤自有主者則害由自致特於告之者有失言之謂焉已耳何以憂為抑又聞之雖有鄙夫猶得聖人之教則何敢以教而不善之說強以下愚目斯人則曠以徹制正所以為玉成之具也然則本館之聞有即事論說於有聞則錄之例奉之而行即有不善之端亦不便為人掩護者蓋本此意也詩以毛詩為最工謂其不失忠厚之旨也然其間有刺者即若上之過亦有微詞誠以善者所以感發人之善心惡者懲創人之逸志故並行不廢也如曰務為隱惡則詩人不幾流於優薄乎哉

法使過叻

○十九日法國郵船由歐洲過叻旋往西貢香港上海等處聞船中載有法公使一人名刺馬也係法國新簡出駐華疆者故附該船前來將赴都門以履新任云

華童出眾

○本坡大書塾專為教習英文作有人材之所塾中除幼習英國文字外近復增闢一門專教減字倫聲之學此種文字書寫最捷人之談論而筆可以及之所有在公衙抄錄供詞多用此法此又於英文中深一層學問故本坡大塾特設此科選取諸童之資質聰俊學問精通者俾習此法現聞所學業將有成於初十日經其師將諸童而為考試計與列者共十四人而首名林元華係為華童其學最為精熟云按華人得天甚厚慧性原不讓於人故不惟本國文字多有熟諳即通西國文字語言者正復不少試

制府往事 ○刑探悉德蘭府已於十九日率同前鋒官及荷國駐叻總領事官刺為那君乘坐國家施馬路官輪往事公幹至於所錄
何九尚尚未得而知也

泉司回叻 ○本坡正檢察使司頗公言往甲堂提訊刑獄一事前經列報刻聞頗廉訪決獄事畢於十八日由甲乘坐施馬路官輪
回叻云

遺毒戰艦 ○英國於邑士戰艦由叻往港竟無踪跡一事已經列報現已事隔兩旬餘仍無踪跡叻憲已動員往覓亦屬杳如現聞香
港亦已派有戰船出口沿途尋覓矣

投地踴躍 ○十七日本坡國家近將真珠山一帶地畝出投一事業在本館刻有告白通行通佈刻聞各地概經投定計真珠山下之
地每丁方英尺投價由四角七占至四角八占昇平園前之地每丁方英尺投價一元吉寧廟傍之地每丁方英尺投價由七角至七角三占其
地尚福壽山街者每丁方英尺投價由九角至九角一占計是日所投之地共值九萬三千元之多云由此觀之可見叻民購地之踴躍矣但未
悉地稅新章舉行之後諸人購地尚有如此爭趨否

蛇傷致命 ○潮人某甲寓居魯麻邦禮地方以捕蛇為生十六日至丹戎牛地方捕捉蛇蟻不意誤探蛇穴有巨蛇從穴中出將甲
噬傷甲痛甚但倉猝無藥可醫乃急奔回取藥敷之奈其受毒已深救治無及須臾遂斃矣然則業此者可不兢兢自慎也歟

風雨沉舟 ○叻地近來晴雨不時非謂亢晴即連暴雨此中最高為誤事有海南人某甲駕駛小舟為業十九早適為客送貨起岸乃
舟岸傍未幾風雨大作迨其歸也則扁舟泛泛杳然無跡初猶以為被竊急僱他舟四行尋視乃見破帆敗席流於水中視之係已舟中物也
至是始知舟已沉溺乃細為尋察始撈回其舟則舟底已破復為海潮流在半里外矣風雨之惡殆如是乎


耐航宜慎 ○耐輪作竊之事近已層見疊出幾於書不勝書蓋若輩所為每每與船中人串同行其詭術稍一不細必為所算然則出
門人有不可以不慎也粵人李某以販賣玩器為生前日由叻帶貨往嶼沽賣後得二百餘元因耐航回叻其銀置諸衣箱中詎為匪徒所知乃
於夜間乘李睡熟乃將其銀竊去并破其箱棄於海中以圖滅跡翌早李始覺遍問同舟不惟無有認者且反為船中役人所辱李不能與較
惟有啞忍而已此李來叻後親與其友人所述觀此一事殊令人髮指矣行路艱難可勝浩歎

罪惡昭昭 ○徐萬隆閩人也生長叻中本良家子其父在小坡峇利街口開設故衣店營生奈徐不肖性成習於賭蕩近復與無賴遊
比於匪人且奮力甚雄無非不作父屢誡之不聽且復常盜家中物以供浪費既而復盜外人之物業解被執二次每次監禁六禮拜之久而生
性依然不改其父深惡之已逐其出以之為子矣徐自被逐後無所依棲有友林姓者見而憐之林固有山園一區在密臘地方因使居焉
徐枝棲有地盜志遂生念林園中無可盜者惟有洋鎗一枝頗為精美乃於前數日潛竊之往鎗店發賣遂賣於小坡上與街某店得銀六元五
角翌日林至園中見鎗已失遍問園中人役均無覺者心疑係徐所為而証不明無從問乃即赴梧槽差館報案後復親至各鎗店中以購
買洋鎗為名暗查贓物果於某店中尋獲乃即通報差館備差往捕遂將贓物起獲而店主某甲亦就獲焉到差館後其供此鎗係外客所買初
不知其為盜詢其何以沽賣之故據言其鎗已舊爛放不靈以故與其購買非有他也林聞語因問賣鎗之人汝識之否某曰其姓名雖不能知
而面貌則猶可辨林至是知為徐鎗乃與差言將徐捕至甲果能辨認乃將徐並某執解案中十七日府堂審訊某本生理中人故有多人到堂
與某作証故某得取保開釋時徐亦謂並非盜鎗且有証人憲問証在何處徐言在於叻鄉請發傳單以差偕往覓証到案可也憲乃准如所請
發有証人之照即飭第三百六十六號之一畫列等差沙逸押同徐往時徐雙手已銹手鍊偕差同行道經距叻四英里半之直落吉羅地方時
該處行人甚稀徐四望無人即將手鍊扭斷遂執差痛毆差年頗老血氣既衰非徐所敵遂為徐毆有重傷且推墮溝中而後逸去現在各差館
已遍行通報一體通緝不知魚網能網否否回也

樂昌破鏡續錄 ○於是乙復偕甲至原處收回衣衫前薦其在某賭館傭工給以工值甲感其高義誌之勿忘而不知乙包藏禍心欲
謀其婦其與之偕歸者蓋使甲妻及其姑知彼與甲合夥信之不疑而後得行其騙誘之術其薦甲傭工者蓋使之有靠以緩其歸心方易於售
奸不致敗露其處心積慮可謂狡獪異常矣一日乙復晤甲曰現有某某欲集資復開賭館一閱意欲招子入股然月中傭值到手即空未必尚
有積蓄則從何處得資合作乎哉而機會無多又不可錯過今為子計當貸之於人惟人地生疎誰肯相信今我為汝作保自易成交雖然事之
利鈍未可知倘虧折母錢則何自而償齊債如汝能遵我所教則自有求財之方甲曰如何乙曰汝姑之愛汝我所深知觀前者之言詞彼已信
汝為真實改過倘此後陸續付銀為家用則更信子已設肆為商遲日求以付充餒不汝却蓋彼意資尚裕汝謂其已竭者殆中其詭計彼已信
計耳甲曰足下高明弟當如教乙乃力創一賭館分一股於甲而工金則半給甲用其半則俟付於甲家乙遂安之以為朋友中未易多得乙每
約旬日即託言辦貨順道至甲家探望言必及義子無輕薄之容並出銀信一封乃甲親筆付回家用者每到必如是蓋乙凡閱旬日即命甲作
信付銀返甲以為無審而未知乙親自送歸也旋又晤甲曰頗有銀付汝姑與婦料必深信不疑然久不見汝歸或倩人到探則事敗矣今予當

蜜酒出


侯活亞士堅公司告白



啟者本行由歐洲游到上等密酒
來叻發售其酒甚佳茲將標頭印出
請君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡露處其
他各埠均能運往並此佈聞
一千八百八十六年十一月十
號 明嗎也洋行謹啟




侯活亞士堅公司謹啟



啟者本公司向來開設本坡久為中西 商翁所賞識茲承英京汝末公司之命託本公司代為該公司駐叻代
機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海
內 諸商翁知悉緣該公司向來 開辦英京歷久無異素為英國人所賞識不特為英國人所賞識又為鄰國人
所賞不特為鄰國人所賞識兼且為天下各國人所賞識蓋因該公司立心持平不遊盡善物料既美製作精
所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更僕不
可備舉非親至該公司目擊斷不能備詳所見茲不過略舉其大概言之亦存什一於千百中之意耳至該公司
現運到本公司存貯代售其中件數堆積如山即不可枚舉茲因篇幅太狹不能盡錄以通 諸商翁之
擇其要而通行者略登報端以為 諸君採擇焉如水厚水筒皮帶等其價較別家稍為相宜而貨亦視別家為
特妙請 諸君移至到本公司一觀真有所聞未盡所見之概不啻遊山陰道中令人接應不暇矣至於本公司
又有製造做大薯之機器以及水厚等各機器亦是名目太多不能備列謹此奉告尚祈實然賜顧為慰 再本
廠現遷至工部局貨倉左鄰 諸君光臨請移玉趾是荷
大英一千八百八十七年三月一號

代中西士商修造各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 賴來安公司啟

機 爐



啟者本公司製造開辦在百禧坡廣為馳名地方交易多年專造一切電
巧機器火爐火爐放大薯之器具及大小輪船汽機鍋爐前各種新式編織
器與一應俱全無不堅固耐用 靈便合用諸大甲地方本公司開設有分廠並

中外眾國有限保險公司


啟者本公司總局設在香港多年
有資本銀二百萬鎊已先收股份人
來銀六十萬元及餘存銀六十萬元
在叻係本行代理承保各商貨物裝
運配運輪船來往各埠其保費相用
照例所有紅利之銀俟結賬之後按
股分派前一千八百七十八年
一千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸商翁賜顧者請至本行與和商
可也 大清光緒九年 月 日
英一千八百八十三年八月廿十號
毛質德公司謹啟

啟者本行由上海
到各埠計
百餘種以
廉價發售
諸君欲採辦者
請至本行
其價目太昂不
能一一列
出 諸君
光顧可也

本館告白

敬啟者本館自開設以來辱承各外埠 諸君子不棄時有所投或一紙書傳奇異來告或半寸緘至報箱分閱而信到之日則照常刊佈以故本館於此一項賠墊日多故不能不據情佈聞敢求茲後凡有惠寄本館之信務祈買單貼發自此印帖之原信則本館一概不收不拆希勿以方命見責是幸預為佈告即請 文安不宣

本館告白



英國新出頂上花露水出售

敬啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱頌為妙品歷經荷領寶星七次以獎其佳然則其妙處可知茲為通流故特佈告倘 諸君有欲採辦者祈請函致本公司取討價單便知一切特此佈 聞

大英一千八百八十七年四月二十五號

加刺安巴馬厘公司謹啟

印度大藥房告白

敬啟者本藥房自去年開張以來多蒙坡中諸君賜顧故現在親自向歐洲督辦頂上真料各種藥材不時預便價甚相宜無論男婦老幼病症輕重如要醫治請為到館示知便即登門看症分別發藥手到回春每日開門自晨早七點鐘至晚十點鐘為準諸君有就教者請 移玉至小坡大馬路實得力馬房對面第七十五號門牌詢問便得併此佈 聞

大英一千八百八十七年八月十八號

西醫羅實萬謹啟

三寶龍洋面火燭保險公司告白

保險公司之設愈出愈多競爭長均無不謂己之公司為盡善盡美總之各有長處其價之廉者始為有益於投保諸人茲本行已承三寶龍洋面火燭保險公司之命為駐叻代理人以代保一切洋面以及火燭平安保險所有保費無不格外從廉為自來所未有其二號保險係由叻寄貨往港者照平常保費更現扣廿八仙外并增扣廿八仙然則其價之廉較諸別家勝之甚遠倘 諸君有惠顧者請移 玉至本行面議而本行寫字樓係在登邦路頭南生及豐興兩店之中茲並錄明此佈

大英一千八百八十七年八月十六號

代理人福蘭洋行謹啟

雜物平沽

敬啟者本號常有各色用物出沽貨美而價廉最便 諸君購採計有長欵地氈每張計二十碼價銀由二角至五角高下不等以貨之美劣為別 月眉檯地氈每張價銀由四角至三元亦視貨為分別 洗馬擦每枝價銀由一角二仙至二角 椰索係由徑一英寸至八英寸每担價銀由六元下四元半椰棕毛每担價銀五角 以上各貨均係質美價值廉非別家可比 諸君有欲採買者請移 玉至海山會館隔隣第一十六號門牌本號看閱便得特此佈 聞

大英一千八百八十七年七月一號

西廊人亞里亞嗎里加謹啟


美國峇打妙厘號新欵時鏢出售

敬啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行感準無論位之動靜時之寒暑均無不驗所行暑度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即便年湮代遠亦無廢壞之虞三利也至其鏢製其精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不滿僅六角之資即能修復甚且無須六角蓋其機器係為新製其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘製有表鍊甚多欵俱備且其欵最新其工最巧較諸近來行用者又勝一籌矧其價復甚廉每鍊價銀僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街匯豐銀行之鄰 諸君臨臨移 玉趾至於本坡則僅本行代理並無別家前此佈聞 諸惟惠鑒

大英一千八百八十七年六月十五號

大清光緒十三年閏四月二十四日

莫實得洋行謹啟



White Seal Champagne

三品酒出售

敬啟者本行督辦歐洲馳名三品洋酒來叻發售其酒係白頭欵式發售有年沽飲 諸君莫不稱其香美奈近有無恥之徒假冒本庄三品酒欵式以圖魚目混珠殊殊可恨嗣後 諸君沽買本行白頭三品酒者請細認本號招牌之內有小紙包頭註華字新 莫實得明碼也公司者始佳若無此字樣即係假冒請為細認特此佈 聞

大英一千八百八十五年十月廿九號

明碼也公司

狂且可惡 ○十九夜卷利街口互鬥一節風聞其肇事之由因有潮籍婦十餘人結伴往小坡昇春園觀戲拉油演劇道經此處緣有惡少數人係為徒子之流憤好尋花問柳者是晚餐餘之暇意謂散步街衢以品紅評綠適與該潮婦相遇見粉白黛綠魚貫而行諸惡少遂踈窺其中或譏或諷任意調笑信口雌黃適該潮婦之親屬見之怒其無禮彼此角口遂起爭端手搏移時大有旗鼓相當之勢後緣巡差查到各人奔避兩造均拿一人經逮案中現猶未質惟婦女當守閨箴豈可三羣五隊於夜間出入乎治容誨淫其被辱宜矣狂童之狂也且可為諸惡少詠

小人難養 ○粵人王某在寶籠岡地方闢一山園種植為藥整雲鋤雨備極田家風味以勤儉之故積有餘資故欲僱一工伴得以分勞各事緣有親戚何某欲覓技樓以葺葺之故遂僱而用之何亦頗盡職守無荒各工是以常得王歡凡有所委皆何為之任也十八日王交銀卅元與何着其到坡結其賬賬詎何係外誠實而內狡狴者常有賄癖但工于彌縫所以王不知其賄賂故托其結賬也何接銀後行至本坡不覺技得獲借刀刈草以潤枯靈不料赴局後三戰三北三十元之費已化快飛去遂喪氣而出自負輸去此項難以見王乃妙想天開遂私自回至山園欲乘夜盜猪挑至坡發售得值以填輸去之項詎為王知覺出而執之見非他人所謂謂盜者即何也何乃跪訴前情乞求原諒王念戚屬乃薄責之許其改過自新將工金以扣抵云

靈竹延嗣 ○抱麟曾姓巨族也有富室某甲者世業典商於西北二江積有餘資而奈門祚衰薄遲甲兩代惟一綫之延現年近知非室納四妾熊夢未徵深以似續為慮故凡祈禱服藥無不行之以冀其驗數年來因是而破費者不少去冬十月偶趁市見人叢中一道士以相而決人禍福多奇中甲就前請相道士一見即為之太息曰相君之面祿則厚矣奈子息惟艱何遂歷道其平生如見甲大驚異因問延嗣有術否道士曰君相該無子非藥石所能求若盡人事以回之非符籙不可甲恐其誕妄詎財俯首欲去道士挽之隨出符二張語之曰君且持去姑試之余非江湖者比服之三百天內當見石麟成取惟君福命勿慮余索費也語畢檢行篋而去甲無暇叩其姓名持符歸姑與二妾分服之去幾果孕比覺漏覓道士不復不知雲遊何處至置之今於前月上旬舉一子英物也合宅歡騰湯餅屆期道士忽至叩扉入甲睹之如真仙來降具道感激道士曰是乃君祖德所致貧道何與焉但此子襁褓中不免啾啾可命名聖護三歲內切勿戒開疊復出符贈之令化水飲兒可免天花之患囑罷告辭甲強留不得叩以瞻觀何所亦不答乃任其去後甲即化符與兒飲之後村中有患痘症者乞其符灰和茶服之亦尋愈由是遠近相傳謂甲遇仙甲思感道士之德乃來省大佛寺前覓善畫者審厥象而繪之歸奉於室辰昏頂祝事之極其誠焉

骨種羊考 ○謠云廣東小塘鴨山東骨種羊夫火灼鴨粵人莫不知之至骨可種羊鮮不以為荒誕無稽矣不知植物固麗土而生動物亦有得土氣而育者未可以目所未見遂謂世無其事也嘗讀高昂從征行曰種羊口羊泉連百壺酒朝朝圍山獵夜夜迎新婦又吳立夫有種羊皮書歌云嘗道刺刀羊可食土城留種羊骨四圍城垣問梓聲羊子還從腥骨生青草叢抽膺未斷馬蹄蹄絕纜垣行又楚石大帥懷古詩有自言羊可種不信繭成絲之句人以問師師曰大漢西人能種羊取羊骨以初冬未日埋於地中至初春未日為之吹箎誦咒即有小羊從地中出凡埋骨一具可得小羊數頭土人藉是以為利雙槐歲鈔載西域人殺羊而食埋其腥骨於土中俟其堅築之未幾即有小羔從腥骨而生膺未斷時馬從傍踏振之即能跳躍而起入饌肥腴其皮可作書簿西使記云種羊出西海其法以羊膺種土中灌以水一聞雷聲即破土而生其膺仍繫於地中及長驚之以木其膺使斷即能嚼草至秋可食其膺內復有種生不已異物志言大秦國之北有羊子生於土中秦人候其欲出為垣繞之其膺連地不可以刀截擊鼓驚之而斷因跳鳴食草然不獨羊可種也聞人有種蠶田者又有種蠶房者其法以糞為灰按時種之翌歲即重疊而生吳人門蠶蟻其大將軍死以金為棺副將軍死以銀為棺後園則來歲所生者自能與之相肖俗謂之種蠶蟻所謂四生胎化之外也博物志言取蠶性如棋子大橋赤黃汁與之和合包以厚茅約五六日投於池內即能成蠶又波羅國有牛屆期十日須以刀割其肉不割便覺困倦且有至死者月支有羊其尾重十斤割而食之尋復能生又木爾彼國之羊尾大如扇至春則割腹取脂縫之復活物理之奇多有令人不可解者

東報彙譯 ○日本無論貴族貴裔往往願除却紅塵投白雲紫竹間一參善果男亦有之而婦女尤以剪去滿頭煩惱絲為貴竟有因此而解價頗增十倍者茲有京都瑞龍寺住持村雲尼係日皇之姑也年方三十歲本月托鉢傳教各郡隨帶僧尼俗十名先期示知西歷九月初五日前九點鐘在長崎縣下茂木村圍成寺飛錫十一點鐘卓錫長崎交親館次日初六起至初十日臨本蓮寺說教十二日起臨長教寺說教十七日即擬飛錫赴熊本縣各地現隨地僧尼及善男信女均備出迎併預置香花咸欲供奉活佛以聽口頭禪亦彼中習尚如是也○上月廿四日東京來電日皇於今辰誕生日皇太子係國權掌侍所出廿九日來電此次降降皇子已奉明文命名米起希或蓋取火旺之義也三十一號電報明諭官殿下今日誕辰日皇依先例定為儲君○九月初三日午後東京發電伊藤總理大臣及三條內大臣各獻海防費三千元又目下各處所納之金已有數十萬當局者種種議論將全數分作幾層用度以若干撥充海防費其餘則充鑄造大炮等用○日報載我國耕作事業常有誇耀於外人此次中國駐紮東京公使報告日本農夫灌溉之法實為耕田妙用中國將次採用先從上海近旁地方試驗按日本石

川縣等專用以井溝田法器械固精中國仿而用之從此田間擊井置器以汲水旱患庶可免乎○崎港之留地南山俄國領事館南側目下
人起造之禮拜堂及海軍病院堂已將工竣病院只有七八分工程而俄人已限於十三日落成泥匠木作因各竭力從事○日本連中元節各
埠均賽龍盆會民人各前祖墳上點燈三夜而備酒食以祭自朝廷改賜易服後橫濱神戶諸處已被官吏革除惟長崎一隅尚存古道此次因
疫病不發家家與高采烈三十四兩夜山下燈光真如棋羅星布孩童或效中國百子炮或燃泰西諸葛燈父老則呼朋歡飲熱鬧非可喻
價值十五夜八點鐘時大雨傾盆一時男女雜處恨不生翅飛回其間觀戲女子候變若落水雞迫雨過時已十點鐘各家乃出所置草船由大
街市至送出島海中放却其船上所置燈籠及一切鋪設並皆爭奇鬥巧以炫人目不料正當各處會集之時又被巡捕阻止不准放海民人既
怨天公之不做美復受巡捕之爭執莫不恨恨爰將各船拋在街心即燒以火頃時火光燭天幾同失慎巡捕見眾心忿怒亦不敢作聲○日本
徵兵用抽丁之法屆期就縣中所報生籍見年歲十七八者即須召至為兵前有華商傳某係福建同安縣人在時曾僱某女生子名蘭卿當
時未脫中國運事依例向長崎縣報名嗣傳某帶子回里已有多年今年長崎縣查見傳某係福建同安縣人在時曾僱某女生子名蘭卿當
于戶於去年在里病故長崎縣疑之不由駐紮日本華官查辦不用移文着駐紮廈門日本領事上野氏轉照會通商道臺札飭同安縣查復後
查得病故的確覆文至日本始得無事否則該某女不免三載牢獄之災云○八月二十日倫敦來電伊雲孟雲會社之汽船名西起以啞夫雷
羅號在海上失慎燒燬死者十三人此船可裝二千九百餘噸在一千八百七十二年造成所稱極大之船也○英國所派東洋艦隊先在日本
箱館停泊後經海山巖至元山港目下十五六艘均集該港七月廿七日由海山巖發電着崎港大浦鄉日人白岡伊右衛門置備牛肉麵粉等
一切食料送去該日人當前英兵駐巨文島時曾經買備食物故此大依舊通知不日高千穗丸輪船開往諸物均當輸送到彼也○池磯
山向來採掘煤斤由監督繁太郎駁馬五十四艘運經海濱有一里餘鐵路當時已極稱便現在則猶嫌運送不捷更擬增設鐵道現小林局長
及有志者同計畫此事云

京報選錄

○頭品頂戴山東巡撫臣張曜跪

奏為揀員請補陸路守備恭摺仰祈

聖鑒事竊照單縣管守備武殿元因未閱營伍

之先告病經臣 題請勒令休致按准部覆以所遺單縣管守備員缺係陸路部推之缺上次已用儘先三人應照章補用武進士一人既據和

留外補行令揀選合例人員請補等因伏查該守備駐紮單縣轄境遼闊界連江豫素為盜賊出沒之區巡防倍關緊要非精明幹練之員不足

以資整理臣於期滿武進士候補守備內逐加揀選查有到標期滿在前營用武進士候補守備張學顏籍隸山東東河縣現年四十六歲由撫

標左營兵生中式咸豐己未 恩科第七名武舉同治元年壬戌科會試中式第二十三名武進士 殿試三甲第十七名奉 旨着以營守備

用欽此分發原營効力由部領票同治三年正月十九日到標五年期滿經前撫臣陳士杰考驗堪以留標咨准部覆准其報滿以守備候補該

員引馬爛熟營伍精練到標名次亦係最先以之請補單縣管守備洵堪勝任相應仰懇 天恩俯准以營用武進士候補守備張學顏補授單

縣管守備實於地方營伍裨該員係由武進士奉 旨錄用後赴部分發現在請補守備毋庸送部引 見如蒙 俞允即由兵部發給札付

令其赴任理合會同曹州鎮臣趙鴻舉恭摺具奏伏乞 皇太后 皇上聖鑒訓示 奏奉 硃批兵部議奏欽此 ○奴才宗室謙禧跪

奏為知縣未能勝任據實奏參恭摺仰祈 聖鑒事竊查除盜安良最為吏治要務實為州縣責任自應認真講求捕務方可有裨地方茲查有

豐寧縣居民張殿喜於光緒十一年十一月初五日夜被賊拒傷劫去錢衣馬匹等物因被賊嚇禁未敢呈報該縣知縣陳功亮漫無覺察嗣於

十二年八月初八日由直隸前任獨石口廳同知熊壽壽獲賊孫青山等訊出前情備文關查該縣陳功亮又不迅速訪查事主勘明移送詳報

節經獨石口廳熊壽壽移撥閱五月之久直至十三年正月二十五日為始由縣發稟報訪傳事主張殿喜送經該廳熊壽壽提回獲賊孫青山

等實訊屬實已由直隸照章懲辦惟該縣陳功亮地方盜案漫不經心奴才訪聞之下不勝駭異正在飭查聞據熱河道德克精額亦准直隸臬

司陶檄移知前因節承德府知府延杰確查無異因未據事主張殿喜報案尚無諱隱情事但查訪該縣陳功亮近日公事不甚經心地方捕

務亦屬平常其於州縣之任未能相宜惟係舉人出身文理尚優等情詳請核辦前來奴才查該縣陳功亮身膺民社地方捕務理應講求乃任

民張殿喜被賊行劫既經失察於前又不迅速勘傳於後公舉殊不經心實屬難膺民社未便遷就惟係舉人出身文理尚優相應請 旨將豐

寧縣知縣陳功亮改為教職歸部銓選除咨明直隸督臣並督飭熱河道德克精額揀選委員接署外理合恭摺具奏伏乞 皇太后 皇上聖

鑒 奏奉 硃批陳功亮着以教職歸部銓選依議知道欽此 ○李鴻章片 再北運河上游之潮白河上年於通州之平家壩漫口東趨

入箭杆河當節通示道許鈞身等搶堵合龍現復運河故道今年即令該道認真督率防汛乃自五月三十日漲水後迭次連朝大雨河流增漲

邊外諸山之水又同時大發奔騰匯注海湧異常接府尹臣來函水勢較往年尤大雖晝夜竭力設法搶護而水力過猛六月十九日夜大溜將

平家壩新工以下之北寺莊東小隄並老隄漫刷二處旋又紅場百數十丈連成一口奪溜東趨現計十分之八據許鈞身稟請參辦前來臣

查平家壩河形本甚拗折地勢亦西高東下東趨箭杆河其勢逆且平家壩以上前無隄堤東岸溝溝甚多修守極難故歷年

屢有潰漫雖該道非專管河務該處亦未設汛但既疏於防範各無可辭應請 旨將通示道許鈞身摘去頂戴以觀後效至箭杆河係行通

河

河

河

州二河香河寶抵寧河各境惟實抵地居下游行加盤底受災較重據該道報稱通州被淹村莊無幾曹河等處亦較輕臣已知會府尹臣一體
確六核辦仍飭該道將漫口設法修築裹頭以防續塌一面遞派熟悉情形之候補知府桂本誠前生會同勘籌堵築事宜俟水勢稍落即行與
辦庶運道不致阻滯應需經費由臣督飭司局設法籌措濟用所有通州平家壩潮白河漫口分別參辦緣由理合會同兼管順天府府尹臣畢
道遠順天府府尹臣高萬鵬附片具陳伏乞 聖鑒訓示謹 奏奉 硃批另有旨欽此 ○譚鍾麟片 再涼州鎮總兵前經飭令留甘補用
提督李祥德代理該鎮總兵委員接署以重職守茲查有御署河州鎮總兵李長穆堪以委署除分飭遵照外理合附片具陳伏乞 聖鑒謹 奏奉
硃批兵部知道欽此 ○奉會片 再本年內務府因三處織造辦解綉綉不敷應用於派辦丁亥大運外另行 奏准添派奴才衙門織辦
綉綉紗紡六百五十疋當經奴才早由戶部指撥銀兩採辦經緯接照單開 上用片金二十疋八兩綉二疋疋江綉五疋疋官用織一百疋揚
緞三十疋疋直經綉紗五十疋疋紡綉二百疋疋敬謹織辦告成裝盛箱隻隨同趕運附解內務府織庫交納與合附片陳明伏乞 聖鑒謹 奏奉
硃批該衙門知道欽此

車尼釐馬告白 ○啟者本班所演各式戲劇色色從新并有馬騾獅象虎豹等均能教練馴熟用之演劇奇妙異常前曾在本坡開
演業蒙 諸君獎譽良深近年遊遊四方現已於十九日由香港啟行來坡計程於廿四日禮拜一即能抵埠旋在陞旗山下拓地開場以備
諸君子惠臨觀玩屆期當再行通佈先此預聞 大英一千八百八十七年七月六號 車尼釐馬班謹啟

召頂告白 ○敬啟者本號所有貨物並一切家器等件均欲出頂與人 諸親友倘有合意承購者請祈移玉面酌謹此告達
大清光緒十三年丁亥八月十九日 十八間後恒和祥謹啟

烟土出沽 ○啟者茲本號存有第九帶鴉牙烟土一百箱並有第十帶之烟土浮水一百箱茲欲出售於人價甚相宜 諸君有合意
者請即 惠臨購買可也 大清光緒十三年丁亥八月十四日 舊巴虱益昌號 劉壬寅 劉傳祿同啟

贈送陰疫藥散 ○近來叻地陰疫盛行患此症者上吐下瀉或瀉而不吐腹或微痛或不痛初起不過四肢疲倦未幾即遍身發冷白
汗淋漓面青其脈或微弱或沉遲甚則轉筋吐沫患此者最危最急偶失醫治不過時許遂即殞命良足悼也今叻地患此症而死者實繁
有徒余惻然憫之乃詳究氣運之陰陽察合病情之表裏嚴搜藥物虔配君臣用治陰疫凡經服者無不獲痊故特製此贈送於人非敢邀天之
功而延己之譽也實不忍若生羅斯浩劫故為是舉以冀挽回於萬一耳但余一人之力薄所製無多倘好善 諸君欲拯蒼生者不妨來問此方
廣為製送是亦無量之功德倘 諸君有患此者可到本館賬房內領取此散不受分文但須與上所列之症有合而後可服勿亂投也
大清光緒十三年丁亥八月初二日 叻報館內葉李元謹識

還金義重 ○初八日余以事至源順街長源號店前坐談不覺有銀紙一百元遺於地上須臾余既出門去此銀紙遂為同寓叻報館
工伴林媽讀及蔡水二人於無意拾之乃二君檢此多金知係他人所遺先已遍問叻報館及長源號諸人均無失資嗣余尋至二君乃慨出
還還余并無少欠余謝以資弗受因深感其高義竊思林蔡二君不過叻報館之工人耳月中所入不過數元之資乃亦見利不貪求諸士君子
亦難多邁乃不意竟見之於二君也似此高義世罕逢感激之私無從圖報因錄數語附於報中藉以表揚盛德云
大英一千八百八十七年九月廿六號 小坡吉靈人毛合密實邁謹頌

勝汪錫礦有限公司招股告白

啟者本公司之開設專在勝汪等處開採錫礦為業計集老本銀一十二萬五千元分作六千二百五十股每股老本銀二十元實而認股之
如耐股份每份先交壓股銀三元派定股份之後每股再交銀四元嗣至西本年十二月一號再交銀二元明二月一號再交銀二元計共十
元所餘十元則至本公司需用之時先三月預為通知然後集取但每次收取每股不過二元半為止不致多取也茲本公司已舉定董事諸君
為 狀師黎美申 不巴爾來那洋行東主蘇士 賈略洋行東主淡甲 牙直里洋行東主牙刺士 李君慶 葉君觀勝等及 管理
項出入人馬堅代即有利銀行 代理狀師列士黎美申 查核數目人下力山打而音蘇顏 駐叻代理人賈略洋行 諸君有欲認股者
須於西本年十月一號禮拜六日上午以前將股份票投交本公司以憑酌奪至於壓股之銀可交有利銀行代貯所有耐股格式紙以及
之章程小引可向列士黎美申狀師或代理人賈略洋行取閱便得至本公司寫字樓現設在土庫後第五號門牌 諸君惠臨希勿
大英一千八百八十七年八月廿七號 勝汪錫礦有限公司謹啟

大英北方商務火燭保險有限公司告白

啟者本行向代理大英北方商務火燭保險公司專代 諸君承保洋面平安素蒙
 為略列如左 一號保險每值百元保費銀五角其另扣回十八仙與投保者
 保險每值百元保費銀一元二角五仙亦扣回十八仙 雖曾保險其貨置於丹戎巴葛棧內者每值百元保費銀一元五角亦扣回十八仙
 其餘各貨如欲買保者請至本行面商甚相宜此佈 大英一千八百八十六年十一月二十九日 代理人明嗎也洋行啟



啟者大勿蘭研仁然力洋行專辦仁酒等在本坡發售乃開有無恥之徒假冒本行之仁酒係由峇兒音地方
 運至以下等之貨魚目混珠堪痛恨茲特聲明本行在叻只託然申洋行代沽此酒並無兼託別家 諸君如
 欲購買者請至然申洋行看貨並須細辨招牌庶不至誤此佈
 大英一千八百八十七年正月十七 勿蘭研仁然力洋行 新嘉坡代理人然申洋行謹啟

真偽宜分

本月二十二日滙行情

滙上海	滙香港	滙汕頭	滙廈門	滙金邊	滙暹羅	滙仰光	滙加爾各答	滙倫敦	滙巴黎	滙里昂	滙馬尼拉	滙宿務	滙新加坡	滙仰光	滙加爾各答	滙倫敦	滙巴黎	滙里昂	滙馬尼拉	滙宿務	滙新加坡
商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日	商人三十日
四百六十三元	三百八十八元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元	三百三十三元
新幣十四百六十三元	新幣六元七角五分	白銀上四十二元七角	六元二角	二百二十六盾	一百九十二盾	九八仙半	一元二角半	一元	七角半	一百八十九盾半	一百九十二盾半	一百八十九盾	一百九十三盾	一百九十三盾	一百九十三盾	一百八十九盾	一百八十九盾	一百八十九盾	一百九十三盾	一百九十三盾	一百九十三盾

輪船開行

船名	開行日期	代理行
蘇六甲	廿一日	豐興號
吉蠟	又	又
白蠟	又	又
檳榔嶼	廿一日	明嗎也洋行
日裡	廿一日	棉示必洋行
網咯	廿一日	棉示必洋行
日裡	廿二日	棉示必洋行
麻六甲	廿二日	棉示必洋行
吉蠟	又	又
柯勝攬保	又	又
呂宋	廿二日	開行
加勝吧	廿二日	瑞泰號
井里汶	又	又
三寶瓏	又	又
檳榔嶼	廿四日	莫實德洋行
吉寧州	又	又
香頭	廿四日	萬興號
汕頭	又	又
廈門	又	又

啟者本館之報紙每日必將出口
 之各輪船行期詳登凡有輪船之司行號見報為之先期備
 告而人周知以便招接載運不無備益為利便之舉但本館
 辦事浩繁逐一詢問恐或有遺茲欲與叻坡凡有輪帆各舟
 公行行號約如週覽號出口之船某日展輪解纜自有定期務
 祈先將船期示知俾本館以便照登則欲附貨搭客者可得先
 事而備自無後至之虞不費之利諒 諸君之樂從也再者
 諸君送來之稿祈於每日三點鐘以前交到始能刊列若過三
 點鐘則本館已排印不能照錄當俟下日始能錄出尚祈見
 諒特 佈聞 本館謹白